



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA*,
QUOD LIBERTARIIS DISPUTATIONIBUS

manè discutienda, in Scholis Medicorum, die Jovis vigesima quarta mensis
Januarii, anno Domini M. DCC. LXXVI.

M. CLAUDIO-CAROLO DE JEAN,
Doctore Medico, Præsidente.

An affectibus soporosis Emeticum?

I.



NULLA SECRETIO, si vitietur, tam immanes, tamque lethiferos edit morbos, ac spirituum animalium secretio. Specimen præbent non leve affectus soporosi. Mortem sæpe tam perfectè adumbrant, ut imago nunquam expungatur. Portento a offert illud morborum genus symptomata. Videre est ægrum tam ferreo obrutum somno, ut vix, imò nullà ratione queat expergeri: salva tamen, quin & integra remanet respiratio: hunc pungis aciculâ? movet unum aut alterum membrum: mittit ægrè vocem: oculos nonnum aperuit, & ecce redditur somno. Jacet sensu motuque destitutus. Quæsitâ non intelligit; multo minus responsa refert. Carum hunc dicunt affectum. Proximus est ad Apoplexiam gradus. In Apoplexiâ omnes simul functiones animales subito cessant, attonitus procumbit æger; fulmine percussus diceres; vox simul aufertur, imminuitur ipsa respiratio; cum stertore aliquantulo anima reciprocatur; resoluta videntur membra; si brachium, si pes levetur, suo statim pondere labitur; altus urget sopor; nisi respiratio, pulsusque vestigia supereissent, & aliquis color faciem inficeret, mortuos inter reponeretur. Coma soporosis affectibus adscribitur. Duplex est, somnolentum & vigil. Si somnus delirio ita conjungatur, ut excitatus æger loquatur absurda, moxque relabatur in somnum, illud coma dicitur somnolentum: vigil nuncupatur, si vigilie (dictu mirabile) somno se comites præbeant: somnus externus adest, torquent intus vigilie: clauduntur oculi: feriantur sensuum organa: irrequietus tamen animus suas turbide functiones exercet; somniando delirat æger: apertis subinde faucibus clamat; jactat aliquandò membra; compellatur somnum faciliè excutit, ineptas reddit voces. Nullus soporosis

* Auctore M. Claudio-Carolo DE JEAN, 1735.

affectus suum tam meretur nomen, quàm lethargus. Omnia ferè huc usque enarrata symptomata in lethargo simul coeunt: illius tamen essentiam constituit obliviosus sopor; postulat aliquid lethargicus, oblatum arripit, dum manu tener propositi obliviscitur, nescit quid cum re petita sibi velit, somno interea corripitur. Cataleptis denique prædictos jam affectus symptomatum prodigio longè antecellit: sensus cum motu simul evanuit: riget membrorum compages; immobiles hiant oculi; versum in statuam hominem crederes; remanet, quâ correptus fuit, positurâ: impulsum tamen spectrum illud movetur; rursus, quam per motum adeptus est, figuram retinet. Jam tales morbos vis aggredi, non ante viceris, quam quæsieris causam, inventamque eradicaveris.

I I.

OMNIUM functionum integritatem ponit sanitas; morbus vel unius, vel plurimum læsionem: functio tandiù viget, quantiù sua organa libero voluntur motu; si mora injicitur, læditur. Quæris morbi causam: illius detegendæ viam aperit præmissa notio. Esto: affectu soporoso laboret æger: quænam offeratur morbi species, non est difficile quidem intellectu: diversa sedula symptomata enucleavimus: ast nunc indaganda causa: statim est in promptu, quænam desideretur functio: sensus motusque periere: culpanda igitur sensus motusque organa. Spirituum animalium interceptur secretio. Secretionis vitium secretiorum canalium *obstructionem* arguit. Morbum igitur parit infarctus cerebri. Proximam nunc tences causam: remota non nunquam vel in primas ulque regiones rejicienda. Omnes omninò secretiones in ventriculi ditionem rediguntur. Non ritè peraguntur, quin viscus illud idoneam singat mittatque materiem. Ubi suum opus segniter exequitur, chylus malè trius spissiorum suppeditat sanguinem: exurgunt inde liquores paternâ labe infecti. In sua quique incernicula ægrè protruduntur; permeare nequeunt; deficit secretio. Illud damini eò magis impendit cerebro, quò cerebrum magis *obstructioni* patet. Iter metire se, errendæ illic materiei, mille gyris extenditur; calcandam lustra viam, quàm angusta! excurrentes scrutare canaliculos, nullam ferè deprehendes elasticitatem. Affectuum sopororum causa non est semper tam altè repetenda: neque sic existimandum ventriculum in culpa semper esse. Quæcumque tandem sanguineum laticem inspissare valent, soporosis affectibus producendis sunt obnoxia: circuitus retardatio, excretorum profusio, virium jactura, elasticitatis imminutio, glandularum infarctus. Denique plethora prædicti morbi est causa non infrequens. Plethorâ sicut & cachexiâ non existit hostis secretionum infensor. Suâ hæc crassitudine, illa mole easilem inferunt calamitates: hæc vasculorum oscula suarum partium diametro ocludit, illa vasis majori distensione: fibrarum tonum hæc pondere, illâ redundancye opprimit. Permagnum utrinque cerebro malum.

I I I.

INTELLECTIS morbi causis, indicationes ultrò sese offerunt. Si plethora procreaverit foverit-ve morbum, nihil venæ sectioni præmittendum. Magnum subito emolumentum dabit. Redundantior sanguinis moles suos intra tubulos ægrè volvebatur; indocilis quati, serpebat lentè. Multo suarum partium agmine oscula perperans, crassior existerat; sæpe sibi ipsi præpediebat viam, vimque solidorum obruebat. Quàm celebrata venæ sectione meliorem subito statum corpus plethoricum induet! Imminutâ jam liquorum copiâ, solida vim pristinam exerunt. Tenuius sanguinis flum cedendo sensim teritur, nullam sui partem vasis salientis ictibus subripit, tubulatam leviter calcat viam, oscula faciliè permeat, si quis, modò levior, reperitur obex, cedere nescium. Non una secatur vena. Suus est honos cuique venæ sectioni. Delectus non hercle floccificandus. Quantum licet, tentanda revulsio: hoc nomine in soporosis affectibus palmam sibi saphenæ sectio vindicat. Et si necessaria, sæpe tamen non solvit infarctus cerebri. Liquidorum in cerebro circuitus eò restitatur difficilior, quò facilius sistitur: vix reviviscet unquam sibi permixtus visceris

illius elater: vi fuscitandus est. Illud remedium quāto magis adhibendum, si sit infarctus cerebri liquidorum crassitudini tribuendus! tenacem istam materiem absque mollichorum praesidio in motum agi nequicquam speres. Non aliis tandem vestigiis insistendum, si torporosus affectus à primis regionibus ortum repetat. Succutiendus est ventriculus. È valisā ventriculi succussione duo exurgunt simul maximi quidem momenti commoda. Stagnantium succorum colluvies foras amandabitur. Integrior exinde chylus miscebitur sanguineo latici. Quin & fibra ventriculi, onere veluti depositi, liberā gandeat oscillatione; ingestam acrius tractabit materiem, perfectè comminuet. Morbi sic radix eruitur. Quæris qui tot repleti queant indicationes? omnes uno repleas Emetico.

I V.

QUIDQUID in ventriculo delitescit, vomitoriorum ope citius excutitur. Ventriculi intestinorumque glandulas purgant ab humorum stagnantium saburra, evertuntque sordes, quas alia nunquam purgantia exturbassent. Dum sic eminguntur ventriculi ductusque intestinalis glandulæ, minorem offerant necesse est resistentiam appellationibus e sanguine laticibus; copiosis proinde excernuntur: excretio cō copiosior evadit, quòd majorem fluiditatis gradum succis conciliavere; tum omnium musculorum violenta intervomendum contractio, tum actio ipsa particularum Emetici, quæ sanguini associatæ, tumultus ibi concitant. Inde patet vomitu quantum imminuatur liquidorum moles: porro vasis tum sanguineis, tum lymphaticis multo minus dilatatis, eadem proportionem remitti debent tensio compressioque cerebri, quæ quidem oriuntur à tumefactis vasis illius substantiam perrepantibus. Farendum tamen, Emetica nonnunquam torporosis affectibus citius opulari, quam ut prosper illorum exitus unam hanc agnoscat causam: imò sæpe levatur æger absque ullā prorsus evacuatione: hoc in casu sanatio diversæ profectò causæ tribuenda. Hæc nobis hypothesis (ab illā voce Physica non abhorret) optimè nodum videtur solvere. Lex eadem motuum sympathicorum, quæ ventriculum, diaphragma musculoque abdominales earundem impressionum consortes facit, ambas & meninges eadem forsitan alstringit confortione. His semel positis, nihil est quòd oblatam quæras jam effectus causam. Contractio Emetici morſu ventriculo, contrahentur & ipsæ meninges: contractæ cerebrum arctius complectentur; cespitantem in arteriis in venis tum sanguineis, tum lymphaticis sanguinem expriment; liquorum accelerabunt motum, circuitum facient expeditiorem, sicque citissime hujusce visceris functiones instaurabunt. Hæc minus fortè arridet hypothesis; quippe quæ ficto tantum videatur extructa fundamento: Cave credas: anatome simul & exemplis nititur: nulum aliud viscus tantā quantā ventriculus, nervorum luxuriatur suppellecile: maximus inde caput inter & ventriculum consensus efflorescit: si ventriculi commotio, hemigraniam, vertiginem, Epilepsiam sæpe sæpius procreat, vicissim ictus capitis, hemigraniam, vertigo, ventriculum sæpe commovet. Allatæ hypothesi suffragantur exempla. Cerebrum purgat nonnunquam sternutatio. Illud (nemo non fatetur) oritur ex eo, quod contractio membranæ pituitariæ, unde sternutatio, meningum contractionem procreat. Cur Apolectici suos tam efficaciter recuperant sensus, ubi corporis habitus in aliquā parte gravi impressione afficitur? eandem scilicet ob causam; hac arte meningum elater intenditur; unde liberius circuit, exprimiturque impactus cerebro sanguis. Quidni vis Emetici eisdem pariet effectus? Novus inde reddit eidem hypothesi auctoritatis gradus: illam si respicis, difficile quidem attinges causam, cur in hydrocephalo tam prosperè succedant Emetica. Quid aliud, quæso, nisi auctus meningum elater stagnantem in cerebri ventriculis lympham exprimet? Meninges auctā contractione cerebrum validius constringant: in promptu est effectus: congestus liquor in oppositam impinget molemi, vincetque tandem, si modo vinci queat. Probabitur magis simplex ille *Mechanismus*, ubi attendas eodem temporis puncto tonum augeri in membranā glandulæ pituitariæ, ubi reperitur obex.

4

Difficilius explicatu nec est, quī *Amaurosin* incipientem sanent Emetica: quī sopitum paralyticorum partium sensum tulcent; præmissis abtque nullo fere levamine venæ sectionibus. Nihil verò similis excogitari potest, quā expressio lymphæ nervorum originem comprimentis, illorumve textum relolventis; toticem Menyngum contractionis argumenta! nullus tandem oritur è congestâ in cerebro lymphâ morbus, in quo non juvent Emetica: exprimiendi igitur cerebri vi polleant necessum est.

V.

AST inquires: nihil vestris principiis tam adversatur, quā vestra ipsa conclusio: affectus soporosos cerebri intus tribuitis: hunc contenditis solvendum esse: quodnam porro huic solutioni proponitis instrumentum? Emeticum. Egregia verò infarctus solvendi methodus! novam videlicet intrudendo materiem. Ignem nimirum oleo extinguitis! vos nescire vomitu versus caput vi protrudi sanguinem! adeo ne rudes legum animalis œconomiae! si fugit anatome, saltem oculis utimini. Cernitis quantum hic æger inter vomendum toto rubescat ore! magno utique metu nos jam periculosos autumas. Habemus ovantem quod te reprimat. Ipsissimis jocis novo nos adornas telo. Præfari non omisimus, affectus soporosos seu plethora producat, seu tantum concomitetur, mittendum sanguinem: palam hic adicimus iterandam tandit venæ sectionem, quandū eadem fiat indicatio. Jam verò celebratâ ritè venæ sectione, menyngum cont. actione probatâ, probato istius contractionis effectu, aliquid infarctui solvendo accommodatius, amabò, excogites eo ipso; quo nos inlequeris. Quis obex, nisi immotâ radice adhæreat, membranarum contractioni sanguinisque simul appultui resistat? collimant eodem ambæ illæ potentiae Times immeritò, ne intra caput vomitu appellens sanguis novam præbeat infarctui materiam: illius impetus frangi facile non potest: primò vi multâ adigitur; deinde ejusdem motus plurimū juvantur menyngum elaterio. Nondum fortè persuasum tibi est nostræ assentiendum conclusioni. Non es qui incertum pro certo teneas. Suis tandem ratiunculis tuam nunquam lulet Theoria credulitatem. Procul hinc umbra litigii. Tuum igitur nomen inter Empyricos (eos videlicet qui uni credebant experientia) proficere: at enim conclamat experientia.

Ergò affectibus soporosis Emeticum.

DOMINI DOCTORES DISPUTATURI.

M. Joannes-Baptista BAI- M. Joannes-Carolus DE M. Ludovicus-Alexander
GNERES. BROTONNE. GERVAISE.

M. Joannes-Matthæus DE M. Joannes-Jacobus DE LA M. Ambrosius HOSTY.
FRASNE. PORTE.

M. Joannes-Baptista JU- M. Thomas LE TENNEUR. M. Joannes MAC-MAHON;
MELIN. antiquus Exercituum Re-
gis & Nosocomiorum Mi-
litarium Medicus, Regiæ
Scholæ Militaris Medicus
ordinarius.

Proponebat Parisiis AUGUSTINUS THOURET, Lexovienfis, Doctor Medi^{us}
 Cadomenfis, nec non Saluberrimæ Facultatis Medicinæ Parisiensis Baccalaureus,
 A. R. S. H. 1776, à sexta ad meridiem.

Typis QUILLAU, Saluberrimæ Facultatis Medicinæ Typographi.